Date: 19 February 1564

REF: GD112/39/3/4 (SHS ed. No. 17)

Place: Stirling

From: Archibald Campbell, 5th Earl of Argyll

To: Colin Campbell of Glenorchy

Address: To our traist cousing the Lard off Glenurquhar

Cousing eftir maist hartly commendatiouns. For samekle as ze sall witt thatt I send word to Argyle to swmmon of zour tennandis of Glenurquhay to desyir tham to pas haim to manwir thair landis. Quhais ansueris wes thatt thay wer noichitt suir in quhatt manir thay suld pas haim for thay stand in dowitt giwe ze will requer malis for this zeris profittis thatt thay brownitte In to quhilk giwe ze do thay will nocht pas haim albeid thay be letient² be MacGregor. Quhairfor ze sall advertis me assurittly of zour mynd with this berar anentis the samin and I sall do my vtir deligens thereftir. Alis ze sall witt thatt Gregar MacEin is contenttit to manwir all the rowmis thaitt he haid in his awin hand togiddir with his fadiris thatt lay wast giwe ze pleis as said is. And he sais thatt he is contettitt to submitt hym to me and to zowr self in all manir of thyngis ze hawe to lay to his charge and zour ansuer in thir premissis with delygens. Haifand na fadir to wreitt to zow att this present. Committis zow to ye protectioun of God. At Streuelyng ye xix day of Februar 1563.

Zouris,

Archibald Ergyll

¹ This suggests that Grey Colin was regarded as an exacting landlord if the rumour (whether true or not) was circulating that he would still be collecting the rents, even though the lands had been despoiled.

² Permitted.